

PRODEKAN ZA NASTAVU I STUDENTSKA PITANJA

Odlukom Naučno-nastavnog vijeća Edukacijsko-rehabilitacijskog fakulteta, a na prijedlog dekana fakulteta prof.dr sc. Zamir Mrkonjića, za Prodekana za nastavu i studentska pitanja, na mandatni period od 4 godine (koji se veže za mandatni period dekana), izabrana je doc.dr sc. Edina Kuduzović.

Kratka biografija

Rođena je 17.07.1978. godine u Tuzli. Srednju Medicinsku školu i Edukacijsko-rehabilitacijski fakultet, smjer „Somatopedija“ je završila u Tuzli. Od aprila 2006. godine zaposlena je u JU Univerzitet u Tuzli, Edukacijsko-rehabilitacijski fakultet, kao saradnik u zvanju asistenta za nastavni predmet „Kineziološka fiziologija I i II“. Angažovana je i kao saradnik za nastavni predmet „Fiziologija“ na Farmaceutskom fakultetu i Medicinskom fakultetu – Odsjek Zdravstvenih Studija. Takođe je bila angažovana kao saradnik za nastavni predmet „Fiziologija“ na Prirodno Matematičkom fakultetu-Odsjek Biologija i Fakultetu za tjelesni odgoj i sport. Postdiplomski studij je upisala školske 2006/07 godine. Bila je učesnik u projektima na Edukacijsko-rehabilitacijskom i Medicinskom fakultetu Univerziteta u Tuzli, te brojnim konferencijama, kursevima i seminarima kako u zemlji tako i inostranstvu. Autor je i koautor nekoliko radova objavljenih u domaćim časopisima. Uspješno je odbranila magistarski rad 24.03.2009. godine pod naslovom „Značaj fizičke aktivnosti u oboljelih od diabetes melitusa tip 2“ i time ispunila sve propisane uslove za sticanje naučnog stepena magistra društvenih nauka iz područja: Motoričkih poremećaja i hroničnih bolesti. Doktorsku disertaciju pod nazivom: „Povezanost nutritivnog statusa i intenziteta fizičke aktivnosti u oboljelih od diabetes melitusa tip 2“ je uspješno odbranila 18.04.2013. godine a u naučno-nastavno zvanje docenta izabrana u novembru 2013. godine. Poznaje engleski jezik i rad na računaru.



KONTAKT

tel.: +387 35 320 667;


e-mail: edina.kuduzovic@untz.ba

PRODEKAN ZA NAUČNO-ISTRAŽIVAČKI RAD

Odlukom Naučno-nastavnog vijeća Edukacijsko-rehabilitacijskog fakulteta, a na prijedlog Dekana fakulteta prof.dr.sc.Zamira Mrkonjića, za Prodekana za naučno-istraživački rad, na mandatni period od 4 godine (koji se veže za mandatni period dekana), izabrana je doc.dr.sc. Meliha Bijedić.

Kratka biografija

Meliha Bijedić (rođ. Huseinagić) rođena je 23. jula 1976. godine u Tuzli u Bosni i Hercegovini. U Tuzli je završila osnovnu, a nakon toga i srednju Medicinsku školu. Marta 2001. godine diplomirala na Defektološkom fakultetu Univerziteta u Tuzli, a na istom fakultetu u februaru 2002. godine zasnovala i radni odnos. Od maja 2005. godine do septembra 2007. godine bila uposlena na Rektoratu Univerziteta u Tuzli kao stručni saradnik u uredu za nastavu i studentska pitanja. Od 2007. godine obavlja dužnosti u zvanju višeg asistenta na odsjeku Poremećaji u ponašanju Edukacijsko-rehabilitacijskog fakulteta. Postdiplomski studij iz oblasti društvenih nauka, područje Poremećaji u ponašanju završila je na Edukacijsko rehabilitacijskom fakultetu Sveučilišta u Zagrebu i 2007. godine i odbranila magistarski rad na temu „Neki aspekti povezanosti poremećaja u ponašanju učenika i kvalitete razrednog ozračja u srednjim školama“. Nakon toga upisuje doktorski studij na istom fakultetu Sveučilišta u Zagrebu, te 2012. godine brani doktorsku disertaciju pod nazivom „Socijalnopedagoški sadržaji i aspekti odgojne mjere pojačanog nadzora nadležnog organa socijalne zaštite u Bosni i Hercegovini“. Od oktobra 2012. godine izabrana u zvanje docent na Univerzitetu u Tuzli i predaje stručne predmete kao što su Tretman djece i mladih s poremećajima u ponašanju i Prevencija poremećaja u ponašanju. Učestvovala je na više naučnih i stručnih usavršavanja u oblasti specijalne edukacije i rehabilitacije kao i socijalne pedagogije, objavila više naučnih radova te aktivno učestvovala na domaćim i međunarodnih simpozijima. Pored akademske karijere, 26. marta 2014. godine imenovana je na funkciju Ministra za rad, socijalnu politiku i povratak Tuzlanskog Kantona. Udata je i majka dvoje djece.



KONTAKT

tel.: +387 35 320-678

e-mail: meliha.bijedic@untz.ba

Iz Statuta Univerziteta u Tuzli

Član 137.

(Prodekani)

- (1) Dekanu u njegovom radu pomažu prodekan za nastavu i studentska pitanja i prodekan za naučno istraživački, odnosno umjetničko-istraživački rad na ADU.
- (2) Po dva prodekana za nastavu i studentska pitanja biraju se na: Medicinskom fakultetu, za potrebe predkliničkog i kliničkog dijela studija; na Filozofskom fakultetu za grupaciju društvenih i za grupaciju humanističkih nauka.
- (3) Prodekani se biraju, iz reda nastavnika, izabranih u naučno-nastavna/umjetničko-nastavna zvanja redovnog profesora, vanrednog profesora i docenta, koji su u radnom odnosu na Univerzitetu sa punim radnim vremenom.

Član 138.

(Izbor i razrješenje)

- (1) Prodekane bira i razrješava NNV/UNV, tajnim glasanjem, iz reda kandidata koje predlaže dekan.
- (2) Procedura izbora prodekana vrši se uz analognu primjenu člana 74. stava (3) – (6) ovog Statuta.
- (3) Dekan može za izbor na funkciju prodekana predložiti više kandidata, u kojem slučaju je izabran kandidat koji je dobio najviše glasova, pod uvjetom da taj broj glasova ujedno predstavlja većinu glasova od ukupnog broja prisutnih članova NNV/UNV-a.
- (4) Ukoliko nijedan od predloženih kandidata u prvom krugu glasanja ne dobije potrebnu većinu, ili više kandidata dobije isti broj glasova, glasanje se na istoj sjednici ponavlja (najviše dva puta), s tim da u naredni krug glasanja ide kandidat sa najvećim brojem glasova, odnosno kandidati sa istim brojem glasova.
- (5) Ukoliko NNV/UNV ne imenuje prodekane po proceduri koja se provodi analognom primjenom člana 61., isključujući njegove stavove (6) i (7), dekan je dužan u roku 30 (trideset) dana ponovo predložiti izbor i imenovanje istih ili drugih kandidata.
- (6) Ukoliko i nakon ponovljenog predlaganja kandidata, NNV/UNV ne imenuje prodekane, iste imenuje dekan uz saglasnost Upravnog odbora.

Član 139.

(Mandat)

- (1) Prodekani se biraju na period od četiri godine, a za svoj rad odgovaraju NNV/UNV i dekanu.
- (2) Mandat prodekana je podudaran sa mandatom dekana.
- (3) Prodekani su odgovorni za zakonitost i statutarnost svojih prijedloga.

Član 140.

(Prodekan za nastavu i studentska pitanja)

- (1) Prodekan za nastavu i studentska pitanja obavlja sljedeće poslove:
 - a) pomaže dekanu u njegovom radu;
 - b) ostvaruje potrebnu/optimalnu saradnju sa Uredom za nastavu i studentska pitanja Univerziteta, te drugim organizacionim i podorganizacionim jedinicama;
 - c) učestvuje u pripremi sjednica NNV/UNV;
 - d) ostvaruje učešće u realizaciji odluka dekana, NNV/UNV i Senata, koji se tiču nastavnog procesa fakulteta/Akademije;
 - e) predlaže plan realizacije nastave na prvom ciklusu studija;
 - f) utvrđuje raspored predavanja, te raspored ispitnih rokova, odnosno raspored provjere znanja studenata u toku semestra/akademske godine;
 - g) prati realizaciju izvođenja nastave i održavanja ispitnih rokova i podnosi dekanu mjesečni izvještaj o tome;
 - h) predlaže dekanu angažovanje spoljnih saradnika u nastavi;
 - i) izrađuje i podnosi, nakon svakog ispitnog roka i na kraju akademske godine, NNV/UNV analizu prolaznosti studenata;

j) najmanje jednom godišnje podnosi izvještaj o svom radu NNV/UNV i dekanu, i
k) obavlja i druge poslove iz djelokruga svog rada, po nalogu dekana.

(2) Prilikom obavljanja poslova iz prethodnog stava i kada se za to ukaže potreba, nastavnici i saradnici fakulteta/Akademije su obavezni pružiti potrebnu pomoć i dostaviti potrebne podatke i dokumentaciju prodekanu za nastavu i studentska pitanja.

Član 141.

(Prodekan za naučno-istraživački, odnosno umjetničko-istraživački rad)

(1) Prodekan za naučno-istraživački, odnosno umjetničko-istraživački rad na fakultetu/Akademiji, obavlja sljedeće poslove:

- a) pomaže dekanu u njegovom radu u domenu naučno-istraživačkog/umjetničkoistraživačkog rada;
- b) izrađuje i podnosi aplikacije za određene projekte, za fakultet/Akademiji;
- c) aktivno i kontinuirano prati mogućnosti učešća nastavnčkog i studentskog angažovanja na određenim projektima, redovno ih upoznavajući s istima;
- d) ostvaruje potrebnu/optimalnu saradnju sa Uredom za naučno-istraživački rad Univerziteta, te drugim organizacionim i podorganizacionim jedinicama;
- e) učestvuje u pripremi sjednica NNV/UNV;
- f) prati realizaciju istraživačko-razvojnih projekata;
- g) prati i informiše akademsko osoblje o naučno-istraživačkim/umjetničko-istraživačkim projektima koji su na raspolaganju;
- h) preduzima mjere za usavršavanje nastavnika i saradnika u cilju sticanja novih i produblivanju stečenih znanja putem postdoktorskih studija i drugih oblika usavršavanja;
- i) njeguje stvaralački rad na fakultetu/Akademiji, u cilju sticanja novih i korištenja postojećih znanja za nove primjene u svim oblicima ljudskog djelovanja;
- j) predlaže nadležnom organu program izdavačke djelatnosti fakulteta/Akademiji;
- k) obavlja poslove vezane za planiranje budžetskih pozicija i planova nabavki, ostvarujući pri tome saradnju sa direktorom za ekonomske poslove Univerziteta;
- l) najmanje jednom godišnje podnosi izvještaj o svom radu NNV/UNV i dekanu, i
- m) obavlja i druge poslove iz djelokruga svog rada, po nalogu dekana.

(2) Prilikom obavljanja poslova iz prethodnog stava i kada se za to ukaže potreba, nastavnici i saradnici fakulteta/Akademiji su obavezni pružiti potrebnu pomoć i dostaviti potrebne podatke i dokumentaciju prodekanu za naučno-istraživački/umjetničko-istraživački rad.

Član 142.

(Prijevremeno razrješenje)

(1) Prodekani mogu biti razriješeni i prije vremena na koje su izabrani odlukom dekana ili NNV/UNV-a, iz razloga koji su navedeni u članu 68. ovoga Statuta, stav (1), tačke a), b), c) i e), te stavu (2), tačke b), c), f), g) i h), a koji se analogno primjenjuju i kod razrješenja prodekana.

(2) Odluka dekana kojom se prijevremeno razrješava prodekan mora sadržavati adekvatno obrazloženje i argumentaciju koja upućuje na ispunjavanje jednog ili više razloga za prijevremeno razrješenje iz prethodnog stava ovog člana.

(3) Postupak prijevremenog razrješenja prodekana putem NNV/UNV-a može da pokrene najmanje jedna trećina članova od ukupnog broja članova NNV/UNV-a.

(4) O prijedlogu za prijevremeno razrješenje prodekana iz prethodnog stava ovog člana odlučuje NNV/UNV tajnim glasanjem, a za donošenje pravovaljane odluke potrebna je natpolovična većina od ukupnog broja članova NNV/UNV-a.

(5) Procedura izjašnjavanja NNV/UNV-a i donošenje odluke u vezi sa prijevremenim razrješenjem prodekana provodi se uz analognu primjenu člana 136. stav (5) – (7) ovog Statuta.

(6) Nakon donošenja odluke o razrješenju prodekana, NNV/UNV na istoj sjednici i na prijedlog dekana bira novog prodekana na mandat koji ističe istekom mandata dekana, u kojem slučaju se primjenjuju odredbe člana 138. ovog Statuta.